

اسلام دنیایی

خالد

سند - ۲

ایکی ہفتہ وہ برہم بنار




اسلام فائزہ خاتون محمد البشير عمر - ۱

بناءً عليه نرم ایچون اك ای قورتولیش یولی
 بو یولده کی یا کلس مغالری دوزلمک ، بوندن
 یویله ای و قائده لی مغالری قبول ایله مکدر .
 نه وقت که بو مغالری آناجز ، دینمک ،
 شریعتمک امرینه موافق اولانلرینی آنلرک

یرینه اقامه ایده جکر ایشته او وقت قورتلغه
 باشلادق ، یاشامغه حق قازاندق دیمکدر . والا فلا .

مابعدی وار
 ابوالکمال
 م . عاقل



مکه مکرمه ده حرکت علمی و بو مناسبتله بعض بیانات

کچن سنه یازدیغیم بر ایکی مقاله ده [۰] امیر مکه شریف حضرتلرینک حرم شریف مکده
 نشر علم بابتده ابراز بیوردقلری تشبثات سامیه و عیمات عالیهلرینی بالیان عامیه تبشیر ایشلدم .
 ایشته شووقندن بری بو مسئله یی تعقیب و مذاکرات عدیده ایله تدقیق ایدهرک بر جدول
 تدریس تنظیم ایتدیروب نهایت جدول مذکورده مندرج اولدینی اوزره اکثریت آراء علما
 ایله اون بش عدد علما انتخاب ایتدیروب بونلرک بهرینه شهری ۳۰۰ غروض معاش تعیین ،
 وهربری هرکون حرم شریفده حد اصغری اوج درس تدریس ایتمکه امر ایدوب مذکور
 علما حسب الامر السامی اشبو سالک محرم اون برنده درسه شروع ایلدیلر . شریف حضرتلرینک بو
 عمت هاشمیه لرینی عامه مشاهده ایتدکه (الناس علی دین ملوکهم) وفقنجه خانه لرنده تدریسه
 اشتغال ایدیلر ، وتدریسدن چکیله نلر هپسی حرم شریفه چیقوب تدریس ایتیه باشلادیلر .
 بویله مکه م شریف صباحدن اخشامه قدر حلقات درس ایله طولودر . فی الحقیقه دور سابق
 امیر ووالیسی تردنده علم ، ارباب علمک ذره مقداری قدر و حیثلری اولدیغدن سائر ناس عندنده
 مهان اولوب مثل سابقک منطوقی اووقت جلوه کیر اولدینی کبی ، شمیدیه شریف حضرتلرینک
 علم واصحاب علمه بویله التفات وبذل اهتمام بیورمه لری سایه سنده آدملرک علمایه نظر و معامله لری
 بتون بتونه باشقه اوله رق ، مثل مذکورک مضمونی کوانش کبی ظهور ایتده در . بو عاجز ،
 اولاری سفها وعوامک معامله سفهانلرینه تحمل ایده میوب حرم شریفده تدریسی ترک ایتیه
 مجبور اولدیغمدن ، بودفعه حرم شریفده تدریس ایچون امر شریف وارد اولدقده دور سابق
 کبی اوله سندن قورقش ایدم . فقط حرم شریفه چیقوب تدریسه شروعمزه شمیدی ایکی آیه
 قریب اولدی : معامله سابقه دن ادنی برائر کورمک شویله طورسون ، بالعکس ، له الحمد والشکر ،

بیوک کوچوک عامه و خاصه علمایه لایقی و شایان اولان تعظیم و توقیری ابراز ایتمه درلر . کویا مدرسلردن هر برینی شریف حضرتلرینک مأمور خاصی اعتقاد ایدیورلر .

اربابنه معلومدرکه حالا مکه مکرمهده جبل نور دیه شهرتشار اولان جبل حراده، که حالا شو سطرلری بازارکن کوزمک اوکنده اولوب آندن ظهور ایدن انوار الیه کوزلری قاشدیرمهدهدر، فخرکائنات رسول الثقایین حبیب اکرم مصالح اعظم اقدیمزه جناب رب العالمین طرفندن امین وحی الیهی جبریل علیه السلام واسطه سیله ایلك دفعه وحی اولتوب ، اول مرتبهده سمع شریفلرینه قرع اولنان آیه « اقرأ باسم ربك الذي خلق الخ . . . » آیات کریمه لریدر .

اگر بزلر، معاشر مسلمین بو آیات کریمه لرك حاوی اولدقلری اسرار و نکاتی لایقیله دوشنوب بویله اسرار و نکاتی حاوی اولان آیات عظامك ایلك دفعه اوله رق مصالح کافه عالم صلی الله علیه و سلمه قارشنی نیچون نازل اولدیفنك اسرار حکمهده آز چوق واقف اولسه ایدك باشقه ملتله سر افتخاریمزی کوکله قدر قالدیرودق . مفسرین کرام و بالخاصه حقلرنده بحق « لولا الکوسج والاعرج لعرج القرآن کما نزل » بیورلمش ایکی ذاتک بری اولان شیخ المفسرین زمخشری بو آیاتک تفسیر و شرحده خیلی اسرار و نکات بیان بیورمش ایسهده ، فقط بالاده ایکی آیت و بر حدیث مدلولنجه بونلرده، بو آیاتلرده اولان مزایا و حکمی استیفا ایتمه مشدرلر . هیچ کیمسهده بکمالها استیفا ایده میه جکدر . شوقدر وارکه سیدنا علی کرم الله وجهه نك « اوفهم اعطيه رجل مسلم » قوله بناءً هر بر رجل مستعد بعض آیات قرآنیه نك بعض مزایا و اسرارینی فهم ایتکله بشقلرندن ممتاز اوله بیور [۱] بناءً علیه بو آیاتلرده جناب حقک احسان ایتدیکی فهم دائره سنده بزده بر قاج سوز سویله جکدر .

اولا : جناب حق حبیب اکرمه ایلك دفعه اولان وحی الیه سنده « اقرأ » خطاب جلیلیه خطاب ایتمه سی شهسز ایما ایدیوردی که هر بر سعادتک اصل و اساسی اوقومقدرد . و فخرکائنات صلی الله علیه و سلم اقدیمزك شریعت غراسی ، بتون عالی ظلمات جهالت و حفره ضالالتدن اخراج ایدوب اصلاح ایتمه سی اشبو هر سعادتک اصل و اساسی اولان اوقومتق و یازمهیه مربوط و منوطدر . یوقسه ایلك دفعه اولان وحی الیه سنده بشقه برشی ایله خطاب ایده وردی . نتکم حق جل و علا حضرتلرینک (و قل رب زدنی علما) دییه علمک زیاده سنی طلب ایتکله امر بیورمه لری علمدن افضل اولان هیچ برشیئک یوقاغینه دلالت ایتمهدهدر . چونکه علمدن افضل برشی اولیدی البته حق سبحانه و تعالی حبیب اکرمه آنک زیاده سنی طلب ایتکله امر ایدردی .

محمد مراد الکی . — الدین والادب

[۱] بوراده طریق خطابه کیدلن : بو دیکدر سواد اعظم اعلی السنه و الجماعته مخالفت ایتمه که ایتکله مشروطدر .